

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/11, 05.02.2020թ.

Բողոք բերող անձ՝ «Վիոլա» ՍՊԸ

Պատվիրատու՝ «Ստեփանավանի բժշկական կենտրոն» ՓԲԸ

Գնման ընթացակարգի ծածկագիրը՝ «ՍԲԿ-ԳՀԱՊՁԲ-2020/5» գնանշման հարցում

Գնման առարկան՝ Քիմիական նյութերի ձեռքբերում

Բողոքի պահանջը՝ Պարտավորեցնել «ՍԲԿ-ԳՀԱՊՁԲ-2020/5» ծածկագրով գնանշման

հարցման ընթացակարգի հանձնաժողովին չկայացած հայտարարել «Ստեփանավանի

բժշկական կենտրոն» ՓԲԸ-ի կարիքների համար՝ Քիմիական նյութերի ձեռքբերման

նպատակով հայտարարված «ՍԲԿ-ԳՀԱՊՁԲ-2020/5» ծածկագրով գնանշման հարցումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

«ՎԻՈԼԱ» ՍՊԸ
Արյան եւ Ախտորոշման Կենտրոն



«VIOLA» Company, Ltd.
Blood Center & Diagnostics

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ
Հասցե՝ ՀՀ, Երևան, Մելիք Աղամյան 1, ՀՀ ֆինանսների նախարարություն

Բողոք բերող անձ՝ «Վիոլա» ՍՊԸ-ը
(տեղեկ Ա.Մեծկույան)
Հասցե՝ ՀՀ, 0040, Երևան, Աճառյան փող. 2րդ միջ, շենք 3
Հեռ. +374-10-629031, 629081
Ֆաքս. +374-10-629083
Էլ. հասցե. viola@arminco.com

Պատվիրատու՝ Ստեփանավանի բժշկական կենտրոն ՓԲԸ
Հասցե՝ ՀՀ, ք. Ստեփանավան, փ. Սուրբ Վարդանի 1

Գնման ընթացակարգի ծածկագիրը և առարկան՝
Ստեփանավանի բժշկական կենտրոն ՓԲԸ-ի կարիքների համար՝
«Քիմիական նյութերի ձեռքբերման նպատակով հայտարարված
«ՍԲԿ-ԳՀԱՊԶԲ-2020/5» ծածկագրով գնանշման հարցում

ԲՈՂՈՔ

- *Գործի հակիրճ նկարագրությունը և բողոքի փաստերը.*

Ստեփանավանի բժշկական կենտրոն ՓԲԸ-ի կարիքների համար՝ «Քիմիական նյութերի ձեռքբերման նպատակով հայտարարվել է «ՍԲԿ-ԳՀԱՊԶԲ-2020/5» ծածկագրով գնանշման հարցում (այսուհետև նաև՝ Ընթացակարգ), որով հայտերի բացումը տեղի է ունեցել 2020թ. հունվարի 31-ին, ժամը 12:00-ին:

Սույն Ընթացակարգին մասնակցելու նպատակով «Վիոլա» ՍՊԸ-ն (այսուհետև նաև՝ Բողոքաբեր), մասնակցության հայտ է ներկայացրել 30.01.2020թ., և հայտի փաթեթը ներբեռնել է ARMEPS համակարգ՝ 30.01.2020թ. ժամը 20:50:

Հայտը ներբեռնելու արդյունքում «Վիոլա» ՍՊԸ-ն իր էլեկտրոնային հասցեին ARMEPS համակարգից ստացել է ոչ ավտոմատ ծանուցում այն որ ներկայացված հայտը բեռնվել է համակարգ (ծանուցման արտատպումը կցվում է սույն բողոքին):



Ծանուցումը ունի հետևյալ բովանդակությունը.

-----Original Message-----

From: [//e.mail.ru/compose/?mailto=mailto%3ainfo@armeps.am]info@armeps.am
[mailto://e.mail.ru/compose/?mailto=mailto%3ainfo@armeps.am]info@armeps.am
Sent: Thursday, January 30, 2020 8:51 PM
To: [//e.mail.ru/compose/?mailto=mailto%3ainfo@armeps.am]info@armeps.am
Subject: Ավտոմատ ծանուցում ARMEPS համակարգից - [ՄՀ. 5708290] հայտը բեռնվեց

ARMEPS համակարգ - մրցույթային փաթեթը բեռնվել է

Փաթեթի բեռնում

Հայտ՝

ՄՀ. Ստեփանավանի բժշկական կենտրոն ՓԲԸ 2020 թ. քիմ նյութերի գնում Մտացականի հերթական համար՝ 000113708 Տեղեկություն. մրցույթային փաթեթը բեռնվել է

Դուք կարող եք հասնել Մրցույթի բաժնին հետևյալ կապուղով.

<http://www.armeps.am/epps/cft/viewETenders.do?resourceId=5708290>

Դուք ստացել եք սույն ծանուցումը, քանի որ բաժանորդագրված եք տվյալ ՄՀ-ին առնչվող ավտոմատ ծանուցումներին:

Ընթացակարգի գնահատող հանձնաժողովի 31.01.2020թ. հայտերի բացման նիստի (կցվում է) արձանագրությունում «Վիոլա» ՍՊԸ-ն նշված չէ որպես հայտ տվող մասնակից, իսկ արձանագրության 4.1 կետի համաձայն՝ մասնակիցների կողմից ներկայացված էլեկտրոնային հայտերում առկա են բոլոր փաստաթղթերը՝ բացառությամբ «Վիոլա» ՍՊԸ-ի փաստաթղթերի:

Այնուհետև հայտերը բացվելուց ծանոթանալով նշված արձանագրությանը՝ Բողոքաբերը մուտք է գործել ARMEPS համակարգ և պարզել, որ տվյալ Ընթացակարգին «Վիոլա» ՍՊԸ-ն որպես մասնակից առկա է, սակայն նրա անվան դիմաց բացակայում է ներբեռնված հայտի փաթեթը՝ փաթեթը ընդհանրապես բացակայում է (ARMEPS համակարգից արտատպումը կցվում է):

• Բողոքի իրավական հիմքերը և հիմնավորումները

«Գնումների մասին» ՀՀ օրենքի (այսուհետև նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով *մասնակիցների շրջանակի ընդլայնում և նրանց միջև մրցակցության խրախուսում:*

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *ունի գնման գործընթացին մասնակցելու հավասար իրավունք:*

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Վիոլա» ՍՊԸ-ն ARMEPS համակարգի ոչ լիարժեք, թերի աշխատելու պատճառով զրկվել է իր մասնակցության իրավունքից լիարժեք օգտվելու հնարավորությունից: Փաստացիորեն հայտը ներբեռնելու արդյունքում «Վիոլա» ՍՊԸ-ի էլեկտրոնային հասցեին ARMEPS համակարգից ստացվել է ոչ ավտոմատ ծանուցում առ այն, որ ներկայացված հայտը բեռնվել է համակարգ, և նման պայմաններում հայտերը բացվելուց հետո պարզվել է, որ հայտի փաթեթ ընդհանրապես առկա չէ, ինչը, Բողոքաբերի կարծիքով, հանդիսանում է ARMEPS համակարգի թերի աշխատելու արդյունք, քանի որ նման բովանդակությամբ ծանուցում ստանալու արդյունքում այնուամենայնիվ գործ ունենք չներբեռնված հայտի հետ:

Գտնում ենք, նման պայմաններում Պատվիրատուն կարող է կնքել պայմանագիր ավելի բարձր գին առաջարկված մասնակից հետ, ինչը էական վնաս կպատճառի բյուջեին և կհանդիսանա բյուջեի միջոցների անհիմն վատնում:

Նման փաստական հանգամանքների պայմաններում, գտնում ենք, որ Ստեփանավանի բժշկական կենտրոն ՓԲԸ-ի կարիքների համար՝ «Քիմիական նյութերի ձեռքբերման նպատակով հայտարարված «ՄԲԿ-ԳՀԱՊԶԲ-2020/5» ծածկագրով գնանշման հարցման շրջանակներում տեղի է ունեցել «Գնումների մասին» ՀՀ օրենքի 3-րդ հոդվածի 2-րդ մասի 1-ին և 2-րդ կետով սահմանված պայմանագրի կնքման նպատակով մասնակիցների շրջանակի ընդլայնման և նրանց միջև մրցակցության խրախուսման սկզբունքների խախտում, ինչ էլ իր հերթին հանգեցրել է Օրենքի 7-րդ հոդվածի 1-ին մասով երաշխավորված մասնակցի մասնակցության իրավունքի իրականացման սահմանափակմանը կամ ոչ լիարժեք իրականացմանը:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...:

Ելնելով վերոգրյալից՝ ՀՀ գնումների հետ կապված բողոքներ քննող անձին

ԽԱՂՐՈՒՄ ԵՄ՝

Պարտավորեցնել «ՄԲԿ-ԳՀԱՊԶԲ-2020/5» ծածկագրով գնանշման հարցման ընթացակարգի զնահատող հանձնաժողովին չկայացած հայտարարել Ստեփանավանի բժշկական կենտրոն ՓԲԸ-ի կարիքների համար՝ «Քիմիական նյութերի ձեռքբերման նպատակով հայտարարված «ՄԲԿ-ԳՀԱՊԶԲ-2020/5» ծածկագրով գնանշման հարցումը:

Կից ներկայացվում է.

- Պետական տուրքի վճարման անդորրագիրը:
- «Վիոլա» ՍՊԸ-ի պետական ռեզիստրի վկայականի պատճեն:
- «Վիոլա» ՍՊԸ-ի տեղեկ Ա.Մեծուսյանի անձնագրի պատճեն:
- ARMEPS համակարգից ստացված ծանուցման արտատպումը:
- ARMEPS համակարգի արտատպումը՝ ընթացակարգի մասնակիցների ցանկի վերաբերյալ:
- Ընթացակարգի զնահատող հանձնաժողովի 31.01.2020թ. արձանագրության պատճեն:
- «Վիոլա» ՍՊԸ-ի կողմից ներկայացրած հայտը՝ էլեկտրոնային կրիչով:

Առդիր՝ 19 թերթ:

Հարգանքով՝
«Վիոլա» ՍՊԸ տեղեկ



Արմեն Մեծուսյան

05.02.2020թ.